

樂平縣志卷十九

人物志

風節

才智

循吏

能吏

風節

宋

馬遵字仲塗永善鄉人擢景祐第由禮部至廷對皆入第一  
 等授校書郎知奉新累遷江淮荆湖兩浙制置發運判官  
 方西帥仰饋河流湮澁上憂之特加遵監察御史尋陞副  
 使以重使職既至上下給足六路無愁怨入為言事御史  
 首彈宰相梁適章九上適罷相出謫知鄭州遵亦出知宣  
 州翰林學士胡宿乞留遵謂剛猛御史自古難得不報未  
 幾移京東路轉運使再入臺為右司諫知諫院被旨使契  
 丹還除禮部員外兼侍御史數言時政得失嘉祐二年冬

樂平縣志

卷十九

風節

一

以疾乞解職上不許京畿饑遵請恤刑智高遁遵請防蜀  
或糾內東門使臣之奸朝廷并糾者兩黜之遵曰如此則  
刑賞俱失非所以君天下或摘李仲壽壞河之罪詔就瀆  
勘遵曰臺臣常乞重罪仲昌僅得不許赦叙今因誰言忽  
起詔獄且監以內臣是臺臣不足取信事出內降中書不  
知是宰相不足取信遇事規切類此而爲國惜材尤拳拳  
焉歐陽修蔡襄賈黯吳中復相繼補外遵累疏爭之韓絳  
之出遵奏曰臺諫乞留絳未從宰相劉沆以朋黨斥絳是  
絳去留不由陛下而由宰相爲五疏攻沆沆去乃已轉吏  
部員外郎直龍圖閣卒上思其忠官其子康國姪持國遵  
性樂易喜議論其言事不爲激訐杜衍范仲淹皆稱道之  
著有直清集祀鄉賢

